


4949
:14



本草綱目石部目錄第十卷

石之四 石類下三十九種

加附一種

陽起石 本經

慈石 本經

玄石 別錄

代赭石 本經

禹餘糧 本經

太一餘糧 本經

石中黃子 唐本

空青 本經

魯青 本經

綠青 本經

扁青 本經

白青 本經

碧石青附

石膽 本經
即膽礬

礬石 本經

特生礬石 別錄

握雪礬石 唐本

砒石 開寶

土黃 綱目

金星石 嘉祐
金石附

婆娑石

開寶

礫石

嘉祐

花乳石

嘉祐

白羊石

圖經

金牙石

別錄

金剛石

綱目 石部附

越砥石

別錄

即磨刀石

砥石

綱目 石部附

薑石

唐本

麥飯石

圖經

水中白石

拾遺

河砂

拾遺

杓上砂

綱目

石燕

唐本

石蟹

開寶

石蛇

圖經

石蠶

開寶

石鼈

綱目

蛇黃

唐本

霹靂石

拾遺

雷墨

綱目

右附方舊二十五新九十五

本草綱目石部第十卷

石之四

石類下三十九種

陽起石

本經 中品

釋名羊起石

別錄

白石

本經

石生

時珍曰以

集解

別錄曰陽起石生齊山山谷及琅琊或雲山

出與雲母同而甚似雲母但厚異爾今從乃出益
州與礬石同處色小黃黑但礬石雲母根未知何
者是俗用乃稀仙經服之恭曰此石以白色肌理
似啟孽仍夾帶雲母滋潤者為良故本經一名白
石今用純黑如炭者誤矣雲母之黑者名雲膽服
之損人則黑陽起石亦必惡矣今齊山在齊州西
北無陽起石石乃在齊山西北六七里廬山出之
本經雲山或廬字訛也太山沂州惟有黑者白者



獨出齊州珣曰太山所出黃者絕佳邢州鵲山出
白者亦好頌曰今惟出齊州他處不復有齊州惟
一土山石出其中彼人謂之陽起山其山常有溫
暖氣雖盛冬大雪徧境獨此山無積白蓋石氣重
蒸使然也山惟一穴官中常禁閉至初冬則州發
丁夫遣人監取歲月積久其穴益深鑿他石得
之甚難以白色明瑩若狼牙者為上亦有挾他石
作塊者不堪每歲采擇上供之餘州中貨之不爾
無由得也貨者雖多而精好者亦難得舊說是雲
母根其中猶帶雲母今不復見此矣古方服食不
見用者今補下藥多便之時珍曰今以雲頭雨脚
輕鬆如狼牙者為佳其鋪茸苗角者不佳王建平
典術乃云黃白而赤重厚者佳雲母之根也庚辛
玉冊云陽起陽石也齊州揀金山出者勝其尖似
箭鏃者力強如狗牙者力微
置大雪中候然浚者為真
修治天明日凡入藥燒後水煨用之凝白者佳時珍曰凡用火中煨赤酒淬七次研細水飛過

日乾亦有用燒酒浸過同樟腦入罐升煉取粉用者

氣味鹹微溫無毒普曰神農扁鵲酸無毒桐君雷

曰甘平之才曰桑螵蛸為之使惡澤瀉茵桂雷丸石葵蛇蛻皮畏兔絲子忌羊血不入湯**主治**

崩中漏下破子臟中血癥瘕結氣寒熱腹痛無子

陰痿不起補不足本經療男子莖頭寒陰下濕痒去

臭汗消水腫久服不飢令人有子別錄補腎氣精乏

腰疼膝冷濕痺子宮久冷冷癥寒瘕止月水不定

甄治帶下溫疫冷氣補五勞七傷大明補命門不足

好散諸熱腫時珍

發明

宗奭曰男子婦人下部虛冷腎氣乏絕子臟

宜斟酌時珍曰陽起石右腎命門氣分藥也下焦

虛寒者宜用之然亦非久服之物張子和儒門事

親云喉痺相火急速之病也相火龍火也宜以火

逐之一男子病纏喉風腫表裏皆藥不能下以涼

藥灌入鼻中下十餘行外以陽起石燒赤伏龍肝

等分細末日以新汲水調掃百遍三日熱始退腫

始消此亦從合之道也

附方

新丹毒腫痒陽起石煨研新水元氣虛寒精

不禁大腑澹泄手足厥冷陽起石煨研鍾乳粉各

等分酒煮附子末同麵糊丸梧子大每空心米飲

服五十丸以愈陰痿陰汗陽起石煨為末每服二

為度濟生市陰痿陰汗錢塩酒下普濟方

慈石

本經中品

釋名玄石

本經處石別錄熒鐵石行吸鐵石藏器曰慈

慈母之招子故名時珍曰石之不慈者不

能引鐵謂之玄石而別錄復出玄石于後

集解別錄曰慈石生太山川谷及慈山山陰有鐵

者能懸吸鐵虛連三為佳仙經丹房黃白術中多

用之藏器曰出雄州北山頌曰今慈州徐州及南

海傍山中皆有之慈州者歲貢最佳能吸鐵虛連

數十鐵或一二斤刀器回轉不落者尤良采無時

其石中有孔孔中有黃赤色其上有細毛功用更

勝按南川異物志云張海崎頭水淺而多慈石微

外大舟以鐵葉固之者至此皆不得過以此言之

海南所出尤多也敦曰凡使勿誤用玄中石并中

麻石此二石俱似慈石只是吸鐵不得而中麻石

心有赤皮粗是鐵山石也誤服令人生惡瘡不可

療真慈石一片四面吸鐵一斤者此名延年沙四

面只吸鐵八兩者名續采石四面吸五兩者名慈

石宗奭曰慈石其毛輕紫石上頗濇可吸連鐵俗謂之協鐵石其玄石即慈石之黑色者慈磨鐵鋒則能指南然常偏東不全南也其法取新纊中獨縷以半芥子許蠟綴于鐵腰無風處垂之則鐵常指南以鍼橫貫燈心浮水上亦指南然常偏丙位盖丙為大火庚辛受其制物理相感爾土宿直君曰鐵受太陽之氣始生之初石產焉一百五十年而成慈石又二百年孕而成鐵

修治

敷曰凡修事一斤用五花皮一鎰地榆一鎰取綿十五兩二件並判于石上槌碎作二三十塊將石入瓷瓶中下草藥以東流水煮三日夜漉出拭乾布裹再槌細乃碾如塵水飛過再碾用宗奭曰入藥須火燒醋淬研末水飛或醋煮三日夜

氣味辛寒無毒

權曰鹹有小毒大明曰甘濇平藏器曰性温云寒誤也之才曰柴胡為之使殺鐵毒消金惡牡丹莽草畏黃石脂獨孤酒曰伏丹砂養汞去銅暈

主治周痺

風濕肢節中痛不可持物洗洗酸消除大熱煩滿

及耳聾

本經

養腎臟強骨氣益精除煩通關節消癰

腫鼠瘦頸核喉痛小兒驚癇鍊水飲之亦令人有

子別錄

補男子腎虛風虛身強腰中不利加而用之

甄權

治筋骨羸弱鋪五勞七傷眼昏除煩躁小兒誤

吞鍼鐵等即研細末以筋肉莫令斷與末同吞下

之

明目聰耳止金瘡血

時珍

發明

宗奭曰養腎氣填精髓腎虛耳聾目昏者皆用之藏器曰重可去怯慈石鐵粉之類是也

時珍曰慈石法水色黑而入腎故治腎家諸病而通耳明目一士子頻病目漸覺昏暗生翳時珍用

東垣羌活勝風湯加減法與服而以磁珠丸佐之
兩月遂如故蓋慈石入腎鎮養真精使神水不外
移硃砂入心鎮養心血使邪火不上侵而佐以神
麴消化滯氣生熟並用溫養脾胃發生之氣乃道
家黃婆媒合嬰姪之理制方者宜窺造化之學乎
方見孫真人十金石神麴丸但云明目百歲可讀
細書而未發出藥微義也孰謂古方不可治今病
耶獨孤滔云慈石乃堅頑之物無融化之氣止可
假其而服食不可久服渣滓必有患夫藥以治
病中病則止砒礞猶可餌服何獨慈石不可服耶
慈石既鍊未亦匪堅頑之物惟在用者能得病情
而中的爾淮南萬畢術云慈石懸井亡人自歸註
云以亡人衣裹慈石懸
于井中逃人自反也

附方 舊三新 **耳卒聾閉**

透直 **腎虛耳聾** 真慈石一豆大穿山甲燒存性
指方 研一字新綿塞耳內口含生鐵

一塊覺耳中如風雨 **老人耳聾** 慈石一斤搗末水
聲即通 濟生方 淘去赤汁懸裹之

猪腎一具細切以水五斤煮石取二斤入腎 **老人**
下鹽豉作羹食之米煮粥食亦可 養老方

虛損 風濕腰肢痺痛慈石三十兩白石英二十兩
槌碎甕盛水二斗浸于露地每日取水作粥

食經年氣力強盛顏 **陽事不起** 慈石五斤研清酒
如童子 養老方 漬二七日每服三

合日三夜 **眼昏內障** 慈朱丸治神水寬大漸散昏
一 千金 如霧露中行漸覩空花物成

二體久則光不收及內障神木淡綠淡白色者真
慈石火煨醋淬七次二兩硃砂一兩神麴生用三

兩為未更以神麴末一兩煮糊加蜜丸梧子大每
服二十九空心飯湯下服後俯視不見仰視微見

星月此其効也亦治心火乘金水衰反制之病久
病累發者服之永不更作 倪微德原機啓微集

小兒驚癇 慈石鍊水飲 **子宮不收** 名癭疾痛不可
之 聖濟錄 忍慈石丸用慈

石酒浸煨研末米糊丸梧子大每臥時滑石湯下
四十九次早用慈石散米湯服二錢散用慈石酒
浸半兩鐵粉二錢

半當歸五錢為末 **大腸脫肛** 直指方慈石半兩火
煨醋淬七次為末每
空心米飲服一錢○簡便方用慈
石末麩糊調塗顛上入後洗去

石滑石各三兩為末米飲服方 **金瘡腸出** 納入
寸七日再 劉涓子鬼遺方

痛斷血○ **誤吞鍼鐵** 真慈石棗核大鑽孔線穿吞
千金方 拽之立出 錢相公篋中方

丁腫熱毒 慈石末酢和封之拔 **諸般腫毒** 吸鐵石
根立出 外臺秘要 三錢金

銀藤四兩黃丹八兩香油一斤
如常熬膏貼之 乾坤秘韞

磁石毛氣味鹹温無毒主治補絕傷益陽道止小便白數治腰脚去瘡瘦長肌膚令人有子宜入酒

藏器曰本經言石不言毛石功狀殊也

玄石 別錄中品

釋名玄水石 別錄 **處石** 時珍曰玄以色名

集解 別錄曰玄石生太山之陽山陰有銅銅者雌鐵者雄弘景曰本經慈石一名玄石別錄又

出玄石一名處石名既同療體又相似而寒温銅鐵畏惡有異俗方不用亦無識者不知與磁石相

類否恭曰此物鐵液也慈石中有細孔孔中黃赤色初破好者能拾鐵吸鐵其無孔而光澤純黑者

玄石也不能拾療體亦劣于慈石頌曰今北番以慈石作禮物其塊多光澤吸鐵無力疑即此玄石

也醫方罕用時珍曰慈石生山之陰有鐵處玄石生山之陽有銅處雖形相似性則不同故玄石不

能吸鐵

氣味鹹温無毒

之才曰畏松脂拍實茵桂

主治大人小兒驚癇

女子絕孕小腹冷痛少精身重服之令人有子

別錄

代赭石

本經下品

釋名須丸

本經

血師

別錄

土朱

綱目

鐵朱

別錄曰出代郡者名代赭出姑

幕者名須丸時珍曰赭赤色也代即馬門也今俗呼為土朱鐵朱管子云山上有赭其下有鐵鐵朱之名或緣此不獨因其形色也

集解

別錄曰代赭生齊國山谷赤紅青色如雞冠有澤染瓜甲不渝者良采無時弘景曰是代郡城門下赤土也江東久絕俗用乃竦而為仙方之要與戎藍鹵鹹皆是急須恭曰此石多從代州來云山中采得非城門下土也今齊州亭山出赤石其色有赤紅青者其赤者亦如雞冠且潤澤土

人惟采以丹楹柱而紫色且暗與代州出者相似古來用之今靈州鳴沙縣界河北平地掘深四五尺得者皮上赤滑中紫如雞肝大勝齊代所出者頌曰今河東江東山中亦有之古方紫丸治小兒用代赭云無真以左顧牲蠓代使乃知真者難得今醫家所用多擇取大塊其上文頭有如浮漚丁者為勝謂之丁頭代赭北山經云少陽之山中多美赭西山經云石脆之山灌水出焉中有流赭以塗牛馬無病郭璞注云赭赤土也今人以塗牛角云辟惡時珍曰赭石處處山中有之以西北出者為良宋時虔州歲貢萬斤崔昉外丹本草云代赭陽石也與太乙餘糧並生山峽中研之作朱色可點書又可罨金益色赤張華以赤土拭寶劍陪益精明即此也

脩治

敷曰凡使研細以臘水重重飛過水面上有赤色如薄雲者去之乃用細茶脚湯煮一伏

時取出又研一萬匝以淨鐵鐺燒赤下白蜜蠟一兩待化投新汲水冲之再煮二十沸取出晒乾

用時珍曰今人惟煨赤以醋淬三次或七次研水飛過用取其相制并為肝經血分引用也相感志云代赭以酒醋煮之挿鐵釘于內扇之成汁

氣味苦寒無毒

別錄曰其權曰其平之才曰

主治

鬼疰賊風蠱毒殺精物惡鬼腹中毒邪氣女子赤

沃漏下

本經

帶下百病產難胞不出墮胎養血氣除

五臟血脉中熱血痺血痢大人小兒驚氣入腹及

陰痿不起

別錄

安胎建脾止反胃吐血鼻衄月經不

止腸風痔瘻瀉痢脫精遺溺夜多小兒驚癇疳疾

金瘡長肉辟鬼魅

大明

發明

好古曰代赭入手少陰足厥陰經性則氣浮重所以鎮之代赭之重以鎮虛逆故張仲景

治傷寒汗吐下後心下痞鞭噫氣不深者旋覆代赭湯主之用旋覆花三兩代赭石一兩人參二兩

生薑五兩甘草三兩半夏半斤大棗十二枚水一斗煮六升去滓再煎三升溫服一升日三服時珍

曰代赭乃肝與包絡二經血分藥也故所主治皆二經血分之病昔有小兒瀉後眼上三日不乳目

黃如金氣將絕有名醫曰此慢驚風也宜治肝用水飛代赭石末每服半錢冬瓜仁煎湯調下果愈

附方

舊二

新

哮喘有聲

臥睡不得吐朱末米醋調

傷寒無汗

代赭石乾薑等分為末熱醋調塗兩手心合掌握定夾于大腿內側溫覆汗出

乃愈

傷

嬰兒瘡疾

無計可施代赭石五枚煨紅醋淬朱砂五分砒霜一豆大

同以紙包七重打濕煨乾入麝香少許為末香油調一字塗鼻尖上及眉心四肢神應保幼大全

急慢驚風

弔眼撮口搐搦不定代赭石火燒醋淬十次細研水飛日乾每服一錢或半錢煎真金湯調下連進三服兒脚脛上有赤斑即是驚氣已出病當安也無斑點者不可治直指方

慢肝驚風

方見小腸疝氣代赭石火煨醋淬為末每白湯服二錢壽咸方腸風下血血師一兩火煨米醋淬盡醋一升搗羅如麩每服一錢白湯下斗門

吐血衄血

方同墮胎下血不止代赭石末一錢生地黃汁半盞調日三五次以瘥為度聖濟錄

婦人血崩

赭石火煨醋淬七次為末白湯服二錢普濟方

赤眼腫閉

土朱二分石膏一分為末新汲水調傳眼頭尾及太陽穴直指方喉痺

腫痛

紫朱煮汁飲牙宣有鑿土朱荆芥同研搗普濟方

丹熱毒

土朱青黛各二錢滑石荆芥各一錢為末每服一錢半蜜水調下仍外傳之直指

方一切瘡癩

土朱號丹牛皮膠等分為末好酒一盞沖之澄清服以渣傳之乾再上朱氏集

百合病發

已汗下復發者百合七個擘破驗方泉水浸一宿赭一两滑石三兩再煎一鍾煎一鍾入百合十再煎一鍾溫服傷寒蘊要

附錄藏器曰出淄川北海山谷土石中如赤土代赭之類土人以當朱呼為赤石一名零陵恐是代赭之類味甘平溫無毒主驚恐身熱邪氣鎮心久服令人眼明悅澤時珍曰此亦他方代赭耳故其功效不甚相遠也

禹餘糧

釋名白餘糧

本經上品時珍曰石中有細粉如麩故曰餘糧俗呼為太一禹餘糧見太一下承曰

會稽山中出者甚多彼人云昔大禹會稽于此餘糧者本為此爾

集解

別錄曰禹餘糧生東海池澤及山島中或池澤中弘景曰今多出東陽形如鷲鴨卵外有殼重疊中有黃細末如蒲黃無沙者佳近年茅山鑿地大得之極精好狀如牛黃重重甲錯其佳處乃紫色靡靡如麩嚼之無復粲仙經服食用之南人又呼平澤中一種藤葉如菝葜根作塊有節似菝葜而色赤味似薯蕷謂為禹餘糧此與生池澤者復有髣髴或疑今石卽是太一也

張華博物志言扶海洲上有莪草其實食之如大麥名自然穀亦名禹餘糧世傳禹治水棄其所餘食于江中而為藥則莪草與此異物同名抑與生池澤者同種乎時珍曰禹餘糧乃石中黃粉生十池澤其生山谷者為太一餘糧本文明白陶引藤生禹餘糧蘇引草生禹餘糧雖名同而實不同殊為迂遠詳太一餘糧下

脩治

弘景曰凡用細研水洮取汁澄之勿令有沙土也

氣味甘寒無毒

別錄曰平權曰鹹之才曰牡丹為之使伏五金制三黃

主治

欬逆寒熱煩滿下赤白血閉癥瘕大熱鍊餌服之

不飢輕身延年

本經

療小腹痛結煩疼

別錄

主崩中

甄權

治邪氣及骨節疼四肢不仁痔瘻等疾久服耐寒

暑大催生固大腸

時珍

發明

成無已曰重可去怯禹餘糧之重為鎮固之劑時珍曰禹餘糧手足陽明血分重劑也其性瀆故主下焦前後諸病李知先詩曰下焦有病

人難會須用餘糧赤石脂抱朴子云禹餘糧九日再服三日後令人多氣力負擔遠行身輕不極其方藥多不錄

附方

新舊三

大腸欬嗽

欬則遺矢者赤石脂禹餘糧湯主之方同下 黎古家珍

冷勞腸泄

不止神效太一丹禹餘糧四兩火煨醋淬烏頭一兩冷水浸一夜去皮臍焙為

末醋糊丸梧子大每食煎

傷寒下痢

不止心下痞

者赤石脂禹餘糧湯主之赤石脂禹餘糧各一斤

並碎之水六升煮取一升去滓分再服

仲景傷寒論

赤白帶下

禹餘糧火煨醋淬乾薑等分赤下

勝金 崩中漏下

青黃赤白使人無子禹餘糧煨研

龍肝炒桂心等分為末温酒服方寸

育腸氣痛

七日服忌葱蒜 張文仲備急方 產後煩躁

少腹痛禹餘糧為末每米飲服二

禹餘糧

錢日二服極効

衛生易簡方

枚狀如酸饒者入地理一半緊築炭灰一斤煨之

濕土罨一宿打破去外面石取裏面細者研水淘

五七度日乾再研萬通用甘草

湯服二錢一服立効 經驗方 身面癩痕

分為末雞子黃和傅先以布拭赤勿見 大風癘疾

風日三十日十年者亦滅 聖濟錄

眉髮落落遍身頑痺禹餘糧二斤白礬一斤青鹽

一斤為末錐子固齊炭火一秤煨之從辰至戌候

太一餘糧

本經上品

釋名石腦

本經 禹哀 吳晉藏器曰太一者道之宗源

即理化神君禹之師也師嘗服之故有太一之名

張司空云還魂石中黃子鬼物禽獸守之不可妄

得會稽有地名蓼出餘糧土人掘之以物請買

集解

別錄曰太一餘糧生太山山谷九月采晉曰

黃色采無時弘景曰本草有太一餘糧禹餘糧兩種治體相同而今世惟有禹餘糧不復識太一登真隱訣長生四鎮丸云太一禹餘糧定六腑鎮五臟合其二名莫辨何者的是今人亦總呼為太一禹餘糧有人于銅官采空青于石坎大得黃赤色石極似今之餘糧而色過赤好疑此是太一也彼人呼為雌黃塗物正如雄色恭曰太一餘糧及禹餘糧乃一物而以精粗為名爾其殼若瓷方圓不定初在殼中未凝結猶是黃水名石中黃子久凝乃有數色或青或白或赤或黃年多變赤因赤漸紫紫及赤者俱名太一其諸色通謂禹餘糧今太山不見采得而會稽王屋澤潞州諸山皆有陶云黃赤色疑是太一然無殼累殊非的稱敦曰凡使勿誤用石中黃并卵石黃二石真相似其石中黃句裏赤黑黃味淡微阻卵石黃味酸个箇印印內有子一塊不堪用若誤餌之令人腸乾太一餘糧

看即如石輕敲便碎如粉兼重重如葉子雌黃也

宗奭曰太一餘糧是用其殼也故入藥須火燒醋

成餘糧黃濁水也時珍曰按別錄言禹餘糧生東

海池澤及山島太一餘糧生太山山谷石中黃出

餘糧處有之乃殼中未成餘糧黃濁水也據此則

三者一物也生于池澤者為禹餘糧生于山谷者

為太一餘糧其中水黃濁者為石中黃水其凝結

如粉者為餘糧凝乾如石者為石中黃其說本明

而注者臆度反致義晦晉宋以來不分山谷池澤

所產故通乎為太一禹餘糧而蘇恭復以紫赤色

者為太一諸色為禹餘糧皆由未加詳究本文也

寇宗奭及醫方乃用石殼為禹餘糧殊不察未成

餘糧黃濁水之文也其殼粗頑不入藥庚辛玉冊

云太一禹餘糧陰石也所在有之片片層疊深紫

色中有黃土名曰石黃其性最熱冬月有餘糧處

其雪先消云林石譜云鼎州祈閣山出石石中有

黃土目之為太一餘糧色紫黑礪塊大小圓扁外

多粘綴碎石條去黃土即空虛可貯水為硯滴丹方鑑云五色餘糧及石中黃皆可乾未出金色

修治 數曰凡修事用黑豆五合黃精五合水二斗煮取五升置瓷鍋中下餘糧四兩煮之旋添

汁盡為度其藥氣自然香如新米搗了又研一萬杵方用

氣味甘平無毒 普曰神農岐伯雷公甘平李當之小寒扁鵲甘無毒之才曰杜仲為

之使畏貝母菖蒲鐵落

主治欬逆上氣癥瘕血閉漏下除邪

氣肢節不利久服耐寒暑不飢輕身飛行千里神

仙 本經 **治大飽絕力身重** 別錄 **益脾安臟氣** 雷 **定六腑**

鎮五臟 弘景

發明 時珍曰禹餘糧太一餘糧石中黃水性味功用皆同但入藥有精粗之等爾故服食家以

黃水為上太一次之禹餘糧又次之列仙傳言巴戎赤斧上華山餌禹餘糧即此

石中黃子

釋名 宗奭曰子當作水既云黃濁水焉得名子

集解 恭曰此禹餘糧殼中未成餘糧黃濁水也出餘糧處有之頌曰今惟河中府中條山谷出

之其石形如麩劑紫黑色石皮內黃色者謂之中黃葛洪抱朴子云石中黃子所在有之沁水山尤

多在大石中其石常潤濕不燥打其石有數十重見之赤黃溶溶如雞子之在殼中也即當未堅時

飲之不爾便漸堅凝如石不中服也破一石中多者有一升少者數合可頓服之機曰石中乾者及

細末者當名餘糧不當名石中黃詳本文未成餘糧四字可見時珍曰餘糧乃石中已凝細粉也石

中黃則堅凝如石者也石中黃水則未凝者也故雷數云用餘糧勿用石中黃是矣

氣味甘平無毒主治久服輕身延年不老

唐本

空青 本經上品

釋名楊梅青 時珍曰空言質青言色楊梅言似也

集解 別錄曰空青生益州山谷及越嶲山有銅處銅精熏則生空青其腹中空三月中采亦無

時能化銅鐵鉛錫作金弘景曰越嶲屬益州益州諸郡無復有恐久不采之故也今出銅官者色最鮮深出始興者弗如涼州高平郡有空青山亦甚多今空青但圓實如鐵珠無空腹者皆鑿土石中取之而以合丹成則化鉛為金諸石藥中惟此最貴醫方乃稀用之而多充盡色殊為可惜恭曰出銅處兼有諸青但空青為難得今出蔚州蘭州宣州梓州宣州者最好塊段細時有腹中空者蔚州蘭州者片塊大色極深無空腹者陶氏所謂圓實如鐵珠者乃白青也大明曰空青大者如雞子小

者如相思子其青厚如荔枝殼其內有漿酸甜藏器曰銅之精華大者即空綠次即空青也頌曰今饒信州亦時有之狀若楊梅故名楊梅青其腹中空破之有漿者絕難得宗奭曰真宗常詔取空青中有水者久而方得其楊梅青信州穴山而取極難得治醫極有功中亦或有水者用與空青同第有優劣爾時珍曰張果王洞要訣云空青似楊梅受赤金之精甲乙陰靈之氣近泉而生久而含潤新從坎中出鑛破中有水久而即乾如珠金星燦燦庚辛玉冊云空青陰石也產上饒似鍾乳者佳大片含紫色有光采次出蜀嚴道及北代山生金坎中生不生已故青為之丹有如拳大及卵形者中空有水如油治盲立効出銅坑者亦佳堪畫又有楊梅青石青皆是一體而氣有精粗點化以魯青為上空青次之楊梅青又次之造化指南云銅得紫陽之氣而生綠綠二百年而生石綠銅始生其中焉魯空二青則石綠之得道者均謂之鑛又二百年得青陽之氣化為鑛石觀此諸說則空青有

本草綱目卷之二十一 空青 晉書余國良

金坑銅坑二種或大如拳卵小如豆粒或成片塊或若楊梅雖有精粗之異皆以有漿為上不空無漿者為下也方家以藥塗銅物生青刮下偽作空青者終是銅青非石綠之得道者也

氣味甘酸寒無毒別錄曰大寒權曰畏兔絲子酒浸醋拌制過乃可變化**主**

治青盲耳聾明目利九竅通血脉養精神益肝氣

久服輕身延年本經**療目赤痛去膚翳止淚出利水**

道下乳汁通關節破堅積令人不忘志高神仙別錄

治頭風鎮肝瞳人破者得再見物甄權**鑽孔取漿點**

多年青盲內障翳膜養精氣其殼摩翳大中風口

啞不正以豆許含嚙甚効時珍出范王方

發明保昇曰空青法水故色青而主肝頌曰治眼翳障為最要之藥時珍曰東方甲乙是生肝

膽其氣之清者為肝血其精英為膽汁開竅于目血五臟之英皆因而注之為神膽汁充則目明汁

減則目昏銅亦青陽之氣所生其氣之清者為綠猶肝血也其精英為空青之漿猶膽汁也其為治

目神藥蓋亦以類相感應耳石中空者埋土中三五日自有漿水

附方舊二**眼目眈眈**不明空青少許漬露**黑翳覆**

瞳空青礬石燒各一兩貝子**膚翳昏暗**空青二錢

四枚研細日點**一切目疾**雀目赤目青盲內外

研日點**聖濟錄**障翳風眼用此覺目

中涼冷為驗楊梅青洗淨胡黃連洗各二錢半槐牙日未出時勿語米之入青竹筒內垂于天月二德方候乾勿見雞犬為末一錢半為末入龍腦一字密收每臥時嗽口仰頭吹一字入兩鼻內使睡

隔夜使用
聖濟錄中凡下噎治見

曾青

本經上品

釋名

時珍曰曾音層其青層層而生故名或云其生從實至空從空至層故曰曾青也

集解

別錄曰曾青生蜀中山山谷及越嶲采無時能出其陽青者銅之精弘景曰舊說與空青同山療體亦相似今銅官更無曾青惟出始與形累累如黃連相綴色理相類空青甚難得而貴仙經少用之化金之事法同空青恭曰出蔚州者好鄂州者

次之餘州並不任用時珍曰但出銅處年古即生形如黃連相綴又如蚯蚓屎方稜色深如波斯青黛層層而生打之如金聲者為真造化指南云層青生銅礦中乃石綠之得道者肌膏得東方正色可以合鍊大丹點化與三黃齊軀衡山記云山有層青岡出層青可合仙藥

修治

敷曰凡使勿用夾石及銅青每一兩要紫背天葵甘草青芝草三件乾濕各一盞細剉放

瓷鍋內安青于中京流水二盞緩緩煮之五晝夜勿令水火失時取出以東流水浴過研乳如粉用

氣味酸小寒無毒

之才曰畏兔絲子獨孤滔云曾青任火成膏可結汞制丹砂蓋

含金氣所生也酒漬酒醋漬煮用葛洪曰曾青塗鐵色赤如銅

主治目痛止淚出

風痺利關節通九竅破癥堅積聚久服輕身不老

本經養肝膽除寒熱殺白蟲療頭風腦中寒止煩渴

補不足盛陰氣

別錄

發明

時珍曰曾青治月義同空青古方辟邪太乙神精丹用之扁鵲治積聚留飲有層青丸並

見古今錄驗方藥多不錄

附方 新 班瘡入目

不退者會青一錢丹砂二錢為末蟾螬五枚搗汁和點 聖濟

錄 風熱目病

會青散治一切風熱毒氣上攻目赤或爛怕日羞明隱濇眵淚或痒或痛

會青四兩蔓荊子二兩白薑炮防風各一兩為末每以少許畜鼻中立有功效 和劑局方

內惡瘡

會青五錢雄黃七錢半黃岑二錢五分為末傳之 衛生寶鑑

綠青

本經上品

釋名 石綠

唐本綱目

集解

別錄曰綠青生山之陰穴中色青白弘景曰此即川用盡綠色者亦出空青中相挾帶今盡

工呼為碧青而呼空青作綠青正相反矣恭曰綠青即扁青也盡工呼為石綠其碧青即白青也不入盡用頌曰舊不著所出州土且云生山之陰穴中次空青條上云生益州山谷及越嶲山有銅處

此物當是生其山之陰爾今出韶州信州其色青白畫工用為綠色者極有大塊其中青白文可愛信州人琢為腰帶器物及婦人服飾其入藥當用顆塊如乳香者佳宗奭曰其色黑綠色者佳時珍曰石綠陰石也生銅坑中乃銅之祖氣也銅得紫陽之氣而生綠綠久則成石謂之石綠而銅生於中與空青會青同一根源也今人呼為大綠范成大桂海志云石綠銅之苗也出廣西古江有銅處生石中質如石者名石綠一種脆爛如碎土者名泥綠品最下大明會典云青綠石礦淘淨綠一十一兩四錢暗色綠每礦一斤淘淨綠一十兩八錢硃砂一斤燒造硃砂綠一十五兩五錢

氣味

時珍曰有小毒

主治 益氣止洩痢療鼽鼻吐風痰

甚効

蘇頌

發明

頌曰今醫家多用吐風痰其法揀上色精好者研篩水飛再研如風痰眩悶取二三錢同

生龍腦三四豆許研勻以生薄荷汁合酒溫調服之偃臥須臾涎自口角流出乃愈不嘔吐其功速于他藥今人用之比皆効故著之宗奭曰同硃砂作吐上涎藥驗則驗矣亦能損心時珍曰痰在上宜吐之在下宜利之亦須觀人之虛實強弱而察其脉乃可投之初虞世有金虎碧霞之戒正此意也金虎丹治風痰用天雄賦粉諸藥者

附方

新四

急驚昏迷

不省人事石綠四兩輕粉一錢為末薄荷汁入酒調一字服取

吐全

風痰迷悶

碧霞丹用石綠十兩烏頭尖附子尖蠍梢各七十箇為末糊丸

芡子大每服一九薄荷汁入酒半合

化下須臾吐出痰涎和劑局方

小兒疳瘡

疳

鼻疳頭瘡耳瘡久不差者石綠白芷等分為末先以甘草水洗瘡拭淨傳之一日愈

下胡臭

石綠三錢輕粉一錢調塗五次斷根

集玄方

扁青

本經上品

釋名石青

綱目大青

時珍曰扁以形名

集解

別錄曰扁青生朱厓山谷武都未提采無時弘景曰朱提音殊匙在南海中仙經俗方都

無用者晉曰生蜀郡恭曰此即綠青也朱厓巴南及林邑扶南舶上來者形塊大如拳其色又青腹中亦時有空者武昌者片塊小而色更佳簡州梓州者形扁作片而色淺時珍曰蘇恭言即綠青者非也今之石青是矣繪畫家用之其色青翠不渝俗呼為大青楚蜀諸處亦有之而今貨石青者有天青大青西夷回回青佛頭青種種不同而回青尤貴本草所載扁青層青碧青白青皆其類耳

氣味甘平無毒

晉曰神農雷公小寒無毒

主治目痛明目折跌

癰腫金瘡不瘳破積聚解毒氣利精神久服輕身

不老本經去寒熱風痺及丈夫莖中百病益精別治

丈夫內絕令人有子吳普吐風痰癩瘡平肝時珍

附方一新頑痰不化石青一兩石綠半兩並水飛為末麴糊丸綠豆大每服十九溫

水下吐去痰一二盃
不損人端 竹堂方

白青本經
上品

釋名碧青唐本魚目青

集解別錄曰白青生豫章山谷采無時可消為銅劍辟五兵弘景曰醫方不用市無賣者仙經

三十六水方中時有須處銅劍之法在九元子術中恭曰此即陶氏所云空青圓如鐵珠色白而腹

不空者是也研之色白如碧亦謂之碧青不入畫用無空青時亦用之名魚目青以形似魚目故也

今出簡州梓州者好時珍曰此即石青之屬色深

者為石青淡者為碧青也今繪彩家亦用范子計

然云白青出弘農豫章新淦青色者善

淮南萬畢術云白青得鐵即化為銅也

氣味甘酸鹹平無毒普曰神農甘平主治明目利

九竅耳聾心下邪氣令人吐殺諸毒二蟲久服通

神明輕身本經

附錄綠膚青別錄曰味辛鹹平無毒主蟲毒及蛇

名推青一名推石生益州山谷弘景曰俗方仙經無用人亦不識碧石青別錄曰

毒主明目益精 去白癩延年

石膽本經
上品

釋名

膽礬

綱

黑石

本經

畢石

本經

君石

當

銅勒

石

俗時珍曰膽以色味命名

集解

別錄曰石膽生秦州羌道山谷大石間或羌

色多白文易破狀似空青能化鐵為銅合成金銀

弘景曰仙經時用俗方甚少此藥殆絕今人時有

采者其色青綠狀如琉璃而有白文易破折梁州

信都無復有俗乃以青色礬當之殊無髣髴恭曰

此物出銅處有之形似曾青兼綠相間味極酸苦

磨鐵作銅色此是真者出蒲州虞鄉縣東亭谷窟

及薛集窟中有塊如雞卵者為真陶云似琉璃者

乃絳礬也比來人亦以充之又以醋揉青礬為之

並偽矣頌曰今惟信州鉛山縣有之生於銅坑中

采得煎鍊而成又有自然生者尤為珍貴並深碧

色今南方醫人多使之又著其說云石膽最上出

蒲州大者如拳小者如莢栗擊之縱橫解皆成疊

文色青見用久則綠擊破其中亦青其次出上饒

曲江銅坑間者粒細有廉稜如釵股米粒本草言

偽者以醋揉青礬為之全不然但取粗惡石膽合

消石銷溜而成之塊大色淺渾渾無脉理擊之則

碎無廉稜者是也亦氣扶石者乃削取石膽牀溜

造時投消石中乃疑則相著也時珍曰石膽出蒲

州山穴中鴨觜色者為上俗呼膽礬出羌里者色

少黑次之信州又次之此物乃生于石其經煎鍊

者即多偽也但以火燒之成汁者必偽也塗于鐵

及銅上燒之紅者真也又以銅器盛水投少許入

中及不青碧數日不異者真也玉洞要訣云石膽

陽石也出嵩岳及蒲州中條山稟靈石異氣形如

瑟瑟其性流通精感入石能化五金變化無窮沈

括筆談載鉛山有苦泉流為澗挹水熬之則成膽

礬所熬之釜久亦化為銅也此乃

煎熬作偽非真石膽也不可入藥

氣味酸辛寒有毒

普曰神農酸小寒李當之大寒

相君辛有毒扁鵲苦無毒大明

三

三

三

三

曰酸渣無毒擢曰有大毒之才曰水英
為之使畏牡桂菌桂芫花辛夷白微
主治明目

目痛金瘡諸癰瘰女子陰蝕痛石淋寒熱崩中下

血諸邪毒氣令人有子鍊餌服之不老久服增壽

神仙散癥積欬逆上氣及鼠瘦惡瘡別治虫牙

鼻內息肉明帶下赤白面黃女子臍急入吐風

痰藥最快

發明時珍曰石膽氣寒味酸而辛入少陽膽經其
性收斂上行能涌風熱痰涎發散風木相火

又能殺蟲故治咽喉口齒瘡毒有奇功也周密齊
東野語云密過南浦有老醫授治喉痺極速垂死

方用真鴨嘴膽礬末醋調灌之大吐膠痰數升即
瘥臨汀一老兵妻苦此絕水粒三日矣如法用之

即瘥屢用無不立驗神方也又周必大陰德錄云

治蠱脹及水腫秘方有用蒲州信州膽礬明亮如

翠琉璃似鴨嘴者米醋煮以君臣之藥服之勝于

鐵砂鐵蛾蓋膽礬乃銅之精液味辛酸入肝膽制
脾鬼故也安城魏清臣腫科黑

附方舊五新老小風痰膽礬末一錢小兒一字温
醋湯調下立吐涎便醒

譚氏小女人頭運天地轉動名曰心眩非血風也
兒方一箇按平一指厚以篋子勒成散子大塊勿界斷

于瓦上焙乾每服一散子為末燈心竹茹湯調下

許學士喉痺喉風二聖散用鴨嘴膽礬二錢半
本事方白僵蠶炒五錢研每以少許

吹之吐涎齒痛及落研細石膽以人乳和膏擦之
濟生方日三四次止痛復生齒百日

後復故乃止每日以新汲口舌生瘡眾療不差膽
水漱淨王燾外秘要礬半兩入銀

鍋內火煨赤出毒一夜細研每以少許走馬牙疳

傳之吐去酸涎水二三次瘥勝金方

兆棗一枚去核入鴨觜膽礬紙包煨赤小兒齒疳

出火毒研末傳之追涎楊起簡便方

鴨觜膽礬一錢匙上煨紅麝香少小兒鼻疳

許研勻傳齧上立效活幼口議

燒烟盡研末糝之一風眼赤爛

二日愈集簡方

驗百虫入耳膽礬末和醋灌之

愈方濟一切諸毒

冷水化一丸服挑生蠱毒

立愈勝金方

衛生腋下胡臭

熱痛乃止數日一用以愈

為度黎居士簡易方赤白癩風

醋調摩之甲疽腫痛

聖濟錄

痔瘡熱腫

雀屎各少許點楊梅毒瘡

礬石

釋名白礬石 太白石 立制石 青介石 固

羊石 石鹽 澤乳 鼠鄉

本經 別錄 吳普時珍曰礬義不

本草綱目石部卷之二
石也西山經云臯塗之山有白石其名白礬可以毒鼠郭璞注云鼠食則死蠶食而肥則鼠鄉之意

此以

集解

別錄曰礬石生漢中山谷及少室采無時當今蜀漢亦有而好者出南康南野溪及彭城界中汶陽縣南塹又湖東新寧及零陵皆有白礬石能柔金以黃泥包炭火燒之一日一夕則解可用丹房及黃白術多用之恭曰此石能拒火久燒但解散不可脫其堅今市人乃取潔白理石當之燒即為灰也今漢川武當西遼坂名礬石谷即是真出處少室有粒細理不如漢中者頌曰今州階州亦有之時珍曰詳見特生礬石下

氣味辛大熱有毒

別錄曰其生溫熱熱普曰神農權曰其有小毒鈆丹為之使惡羊血不入湯之才曰得火良棘針為之使惡馬目毒公鷺屎虎掌細

辛畏水
主治寒熱鼠瘦蝕死肌風痺腹中堅癖邪氣

本經除熱明目下氣除膈中熱止消渴益肝氣破積

聚瘕冷腹痛去鼻中息肉服令人筋攣火鍊百

日服一刀圭不鍊服則殺人及百獸除胃膈間

積氣去冷濕風痺瘡痒積年者

甄權

發明

弘景曰常取生礬石納水令水不冰如此則生者性亦大熱矣張仲景云生用破人心

肝恭曰此藥攻擊積冷之病為良若以餘物代之療病無效正為此也宗奭曰治久積及久病腹冷

用功直須慎用其毒不可試也時珍曰礬石性氣與砥石相近蓋亦其類也古方礬石礬石常相渾書蓋二字相以故誤耳然礬石性寒無毒礬石性熱有毒不可不審陸農師云礬石之力十倍鍾乳

按洪容齋隨筆云王子敬靜息帖言礬石深是可
疑凡喜散者輒發癰蓋散者寒食散也古人多服
之中有礬石性熱有毒故云深可疑也劉表在荆
州與王粲登鄆山見一岡不生百草粲曰此必古
冢其人在世服生礬石熱不出外故草木焦滅表
掘之果有礬石滿塋又今洛水不冰下亦有礬古
人謂之溫洛是也取此石安甕中水亦不冰文鸛
伏卵取石置巢中以助溫氣其性如此豈可服乎
兄文安公鎮金陵秋暑減食醫者湯三益教服礬
石丸已而飲啖日進遂加意服之越十月而毒作
衄血斗餘自是數數不止竟至精液皆竭而死時
珍竊謂洪文安之病未必是礬石毒發蓋亦因其
健啖自恃厚味房勞縱恣無忌以致精竭而死夫
因感食而服石食既進則病去藥當止矣而猶服
之不已恃藥妄作
是果藥之罪歟

附方

新

風冷脚氣

白礬石煨二斤酒三斗漬
二日稍稍飲之 肘后方

特生礬石

別錄
下品

釋名蒼礬石

蒼石

別錄鼠毒

恭曰特生礬石一名
蒼礬石梁州礬石亦

有青者漢中人亦以毒鼠不入方用宗奭曰礬石
特生礬石止是一物但以特生不特生為異用所
謂特生者不附著他石為特爾今用者絕少時珍
曰礬石有蒼白二種而蒼者多特生故此云一名
蒼礬石則別錄蒼石係重出
矣其功療皆相同今併為一

集解

別錄曰特生礬石一名蒼礬石生西域采無
時又曰蒼石生西域采無時弘景曰舊說鵲

巢中者佳鵲常入水冷故取以壅卵令熱今不可
得惟出漢中者其外形紫赤色內白如霜中央有
白狀形如齒者佳又出荊州新城郡房陵縣縹白
赤者為好亦先以黃土包燒一日亦可納斧孔中
燒之今玉壺諸凡仙經不言特生止是白礬石耳
恭曰陶說中如齒白形者正是今出梁州北馬道

戊澗中亦有之形塊小于白礬石而肌粒大數倍
乃如小豆許其白礬粒細如粟米耳今房陵漢川
均州荊州與白礬石同處有色青者是也宗奭曰
博物志言鶴伏卵取礬石入巢助暖方家得此石
乃真陶氏以注特生礬石則二石是一物明矣但
屢檢鶴巢無此石况礬石焉得處處有之若鶴入
水冷故取此石則鷓鴣之類皆食于水亦自然生
化繁息此則乃俗士之言未嘗究其實而窮其理
也時珍曰礬石有數種白礬石蒼礬石紫礬石紅
皮礬石朶花礬石金星礬石銀星礬石特生礬石
俱是一物但以形色立名其性皆熱毒並可毒鼠
制汞惟蒼白二色入藥用諸礬生于山則草木不
生霜雪不積生于水則冰不冰凍或有溫泉其氣
之熱可知矣庚辛玉冊云礬陽石也生山谷水中
濯出似礬有文理橫截在中者為佳伏火制砂汞
其狀頗與方解石相似但投水不冰者為真其出
金穴中者名握雪礬石

氣味甘温有毒

之才曰火煉之良畏水

主治明目利耳腹內

絕寒破堅結及鼠瘦殺百虫惡獸久服延年

別錄

石主寒熱下氣瘦蝕殺禽獸

別錄

發明

時珍曰別錄言礬石久服令人筋攣特生礬石久服延年丹書亦云礬石化為水能伏水

銀煉入長生藥此皆方士謬說也與服砒石汞長生之義同其死而無悔者乎

握雪礬石

唐本草

集解

恭曰握雪礬石出徐州宋里山入土丈餘於爛土石間得之細散如麩黃白色土人號為

握雪礬石一名化石一名石腦云服之長生時珍曰謹按獨孤滔丹房鑑源云握雪礬石出曲灘

澤盛寒時有隨生于石上可采一分結汞十兩又按南宮從岫嶠神書云石液即丹礬之脂液也此

石出襄陽曲灘澤中或在山或在水色白而粗糯至冬月有脂液出其上旦則見日而伏當于日未出時以銅刀刮置器內火煨通赤取出楮汁為丸其液沾處便如鐵色以液一銖制水銀四兩器中火之立乾但此液亦不多得乃神理所惜采時須用白鷄清酒祭之此石華山嵩山皆出而有脂液者惟此曲灘又熊太古冀越集亦言丹山礬十兩可乾乘十兩此乃人格物之精發天地之秘也據三書所引則握雪礬石乃石之液非土中石腦也蘇恭所說自是石腦其說與別錄及陶弘景所注石腦相合不當復注于此又按諸書或作礬石或作礬石未知孰是古書二字每每訛混以理推之似是礬石礬石有

氣味甘温無毒主治痼冷積聚輕身延年多食令人熱

治大風瘡

時珍

砒石

宋開寶

釋名信石

人言

綱目

生者名砒黃鍊者名砒霜

時珍

曰砒性猛如貔故名惟出信州故人呼為信石而又隱信字為人言

集解

頌曰砒霜不著所出郡縣今近銅山處亦有惟信州者佳其塊有甚大者色如鶩子黃

明徹不雜此類本處自是難得之物一兩大塊真者人兢作之不啻千金古服食方中亦載用之必得此類乃可入藥其市肆所畜片如細屑亦夾土石入藥服之為害不淺承曰信州玉山有砒井官中封禁甚嚴生不夾石者色赤甚于雄黃以冷水磨鮮熱毒近火即殺人所謂不啻金價者此也今市貨者取山中夾砂石者燒烟飛作白霜乃碎屑而芒刺其傷火多者塊大而微黃所謂如鶩子色明徹者此也古方並不入藥惟燒煉丹石家用之近人多以治瘡但以瘡本傷暑而此物生者能解

熱毒也今俗醫不究其理即以所燒霜服之必大吐下因此幸有安者遂為所損極多不可不慎初燒霜時人在上風十餘丈外立下風所近草木皆死又以和飯毒鼠死鼠猫犬食之亦死毒過于射罔遠矣衡山所出一種方差劣于信州者宗奭曰今信鑿坑井下取之其坑常封銷坑中有濁綠水先絞水盡然後下鑿取生砒謂之砒黃色如牛肉或有淡白路謂石非石謂土非土磨酒飲治積裁有火便有毒不可造次服也取法將生砒就置火上以器覆之令烟上飛着器凝結纒然下垂如乳尖者入藥為勝平短者次之大塊乃是下等片如細屑者極下也時珍曰此乃錫之苗故新錫器盛酒日久能殺人者為有砒毒也生砒黃以赤色者為良熟砒霜以白色者為良

修治

龍肉二味火煨從已至申使用其從水浸從申至子出拭乾入瓶再煨別研三萬下用時珍曰草家皆言生砒輕見火則毒甚而雷氏治法用火

煨今所用多是飛鍊者蓋皆欲求速效不惜其毒也曷若用生者為愈乎

氣味苦酸暖有毒

時珍曰辛酸大熱有大毒大明曰畏綠豆冷水入藥醋煮殺

毒用土宿真君曰砒石用草制鍊出金花成汁化銅乾汞青鹽鶴頂草消石蒜水蓼常山益母獨蒂木律菖蒲三角酸鴛不食草波稜蒿苕皆能伏砒

主治砒黃治瘧疾腎氣帶之辟蚤虱 大冷水磨服

解熱毒治痰壅 陳承磨服治癖積氣 宗奭除齁喘積痢

爛肉蝕痂癩瘰癧 時珍○砒霜療諸瘡風痰在胃膈

可作吐藥不可久服傷人 開寶治婦人血氣衝心痛

落胎 大明蝕癰疽敗肉枯痔殺虫殺人及禽獸 時珍

發明

宗奭曰砒霜瘡家用或過劑則吐瀉兼作酒

霜大毒之藥本草謂主諸瘡風疾在腎膈可作吐
藥蓋以性之至烈大能燥疾也雖有燥痰之功大
傷腎氣脾胃虛者切宜戒之時珍曰砒乃大熱大
毒之藥而砒霜之毒尤烈鼠雀食少許即死猫犬
食鼠雀亦殆人服至一錢許亦死雖鉤吻射岡之
力不過過如此而宋人著本草不甚言其毒何哉此
亦古者者砒石之一種也若得酒及燒酒則腐爛腸
胃頃刻殺人雖綠豆冷水亦難解矣今之收瓶酒
者往往以砒烟熏瓶則酒不壞其亦嗜利不仁者
哉飲酒潛受其毒者徒歸咎於酒耳此物不入湯
飲惟入於丸凡痰瘡及齶喘用此真有却病立地
之效但須冷水吞之不可飲食杯勺之物靜臥一
日或一夜亦不作吐少物引發即作吐也其燥烈
純熱之性齒燒酒烟消同氣寒疾濕痰被其劫而
拂鬱頓開今烟火家用少許則爆聲更大急
烈之性可知此藥亦止宜干

嗜酒膏梁者非其所宜疾亦再作不慎口慾故爾
凡頭瘡及諸瘡見血者不可用此其毒入經必殺
人李樓奇方云一婦病心痛數年不愈一醫用人
言半分茶末一分白湯調下吐瘀血一塊而愈得
日華子治婦人血
氣心痛之旨乎

附方

新舊五中風痰壅四肢不收昏憤若醉砒霜如
綠豆大研新汲水調下少許

以熱水投之大吐即愈未吐再服聖惠方

寒熱疔疾

孫真宗祕寶方用信砒二兩研

粉寒水石三兩別搗末用生鐵銚一箇鋪石末後
鋪砒在上又以石末蓋之厚蓋覆定醋糊帛條蜜
封十餘重炭火一斤煨之待紙條黑時取出候冷
刮盞上砒末乳細粟米飯丸綠豆大辰砂為衣每
用三四丸小兒一二丸發日早以臘茶清下一日
不得食熱物男人患女人着藥入口中女人患男
人着藥入口中○本事方用人言一錢綠豆末一
兩為末無根井水丸綠豆大黃丹為衣陰乾發日

本草綱目卷之十一 砒石 三十一

五更冷水下五七丸。○衛生寶鑑一剪金用人言醋煮硫黃綠豆等分爲末每一豆許用紅絹包之采絲扎定每剪下一粒新汲水空心吞下治瘡聖藥也。○醫藥元戎九轉靈砂丹用砒霜黃丹紫河車各一錢爲末雄黑豆一百粒水浸一夜研泥和九梧子綠豆黍米三樣大每服一二九發日五更向東無根水下紫河車綠豆黑豆皆解砒毒也。○本草權度不二散用砒一錢麩二兩和勻香油一斤煎黃色以草紙壓去油入茶三兩爲末每服一錢發日早冷茶下。

一切積痢 砒霜黃丹等分蠟和收旋丸綠豆普濟方

休息下痢 經一二年衰弱砒霜成塊者爲末黃丹各半兩化蠟入砒以柳條覺焦則換至七條取起收之每旋丸梧子大冷水送下小兒黍米大和劑局方

脾疼腰痛 卽上方用

婦人血氣 心痛方見

走馬牙疳 惡瘡砒石銅綠等分爲末攤紙上貼之其効如神。○又方發明下

砒霜半兩醋調如糊盪內盛待乾刮下用粟米大綿裹安齒縫來日取出有蟲自死久患者不過三日卽愈。○

項上瘰癧 梁州砒黃研末濃墨汁丸梧子大銚內砂乾竹筒盛之每用針破將藥半丸貼之自落蝕盡爲度 靈苑方

痰喘齁齶 方見穀一切落蝕盡爲度

漏瘡 有孔用信石新瓦火煨研末以津調少許於紙摵上插入蝕去惡管漏多勿齊上最妙

急救易方

土黃 綱目

修治 時珍曰用砒石二兩木鼈子仁巴豆仁各半兩兩兩砂二錢爲末用木鼈子油石腦油和成一塊油裹埋土坑內四十九日取出劈作小塊甕器收用

氣味 辛酸熱有毒 獨孤滔曰土黃制雄黃

主治枯溜贅痔乳食瘦癭并諸瘡惡肉

時珍

金星石

宋嘉祐

附銀星石

集解

頌曰金星石銀星石並出濠州并州采無時

二石主療大體相似宗奭曰二石治大風疾別有法須燒用之金星石生於蒼石內外有金色
玳片銀星石有銀色玳片又一種深青色堅潤中
有金色如玳片者不入藥用工人碾為器或婦人
首飾用時珍曰金星有數種蘇頌所說二石武當
山亦有之或云金星出膠東銀星出鴈門蓋亦礫
石之類也冠宗奭所說二石治大風者今考聖惠
方大風門皆作金星礬石銀星礬石則似是礬石
之類丹方鑑源礬石篇中亦載二石名似與蘇說
者不同且金星銀星無毒主熱涎血病礬石則有
毒主風癩疾觀此則金星銀星入藥各有二種矣
又歙州硯石亦有金星銀星者嶺州亦出金星石
皆可作硯翡翠石能屑金亦名金星石此皆名同

物異也劉河間宣明方點眼藥方中用金
精石銀精石不知即此金星銀星否也

氣味甘寒無毒主治脾肺壅毒及肺損吐血嗽血

下熱涎解衆毒

嘉祐

水磨少許服鎮心神不寧亦治

骨哽

時珍

附方新吐血嗽血

肺損者金星石銀星石玄精石
不灰木陽起石雲母石等分用

坩鍋一箇鋪冬月水牛糞一二寸鋪藥一層鋪灰
二寸又藥一層重重如此以灰蓋之鹽泥固濟用

炭一秤火煨一日夜埋土中一夜取出藥塊去灰
為末每一兩入龍腦麝香各半錢阿膠二錢半炒

每服一錢糯米湯下

大風蟲瘡

有五色蟲取下諸
石丸用金星礬石

日三服 聖惠方
銀星礬石雲母石禹餘糧石滑石陽起石慈石凝
水石蜜陀僧自然銅龍涎石等分搗碎瓶盛鹽泥

固濟之炭火十斤煨過為末醋糊丸小豆大每服十五丸白花蛇酒下一日三服以愈為度 太平

聖惠方

附錄金石

拾遺藏器曰味甘温無毒主久羸瘦不能食無顏色補腰脚冷令人健壯益陽有暴熱脫髮飛鍊服之生五臺山 清凉寺石中金屑作赤褐色也

婆娑石

宋開寶

釋名摩挲石

時珍曰姚西溪叢話云船舶過產石山下愛其石以手捫之故曰摩挲石

知然否

集解

志曰婆娑石生南海胡人采得之其石綠色無班點有金星磨成乳汁者為上又有豆班石雖亦解毒而功力不及復有鄂綠有文理磨鐵成銅色人多以此為之非真也驗法以水磨點雞

冠熱血當化成水是也宗奭曰石如淡色石綠間微有金星者佳又有豆班石亦如此石但有黑班點無金星頌曰胡人尤珍貴之以金裝飾作指彊帶之每欲食及食罷輒含吮數次以防毒今人有得指面許塊則價直百金也時珍曰庚辛玉冊云摩挲石陽石也出三佛齊海南有山五色聳峙其石有光焰其水下滾如箭船過其下人以刀斧擊取燒之作硫黃氣以形如黃龍齒而堅重者為佳 匱五金伏三黃制鉛汞

氣味甘淡寒無毒

主治解一切藥毒瘴疫熱悶頭痛

開寶

礞石

宋嘉祐

釋名青礞石

時珍曰其色濛濛然故名

集解

時珍曰礞石江北諸山往往有之以野山出者為佳有青白三種以青者為佳堅細而青

黑打開中有白星點煨後則星黃如楚金其無星點者不入藥用通城縣一山產之工人以為器物

修治

時珍曰用大坭鍋一箇以礞石四兩打碎入消石四兩拌勻炭火十五斤簇定煨至消盡

其石色如金為度取出研末水飛去消毒晒乾用

氣味甘鹹平無毒

主治食積不消留滯臟腑宿食癥塊久不瘥小兒

食積羸瘦婦人積年食癥攻刺心腹得巴豆硃砂

大黃荆三稜作丸服良嘉祐治積痰驚癇欬喘急

時珍

發明

時珍曰青礞石氣平味鹹其性下行陰也沉也乃厥陰之藥肝經風木大過來制脾胃土氣

不運化積滯生痰壅塞上中二焦變生風熱諸病故宜此藥重墜制以消石其性疎快使木平氣下

而痰積通利諸證自除湯衡嬰孩寶鑑言礞石乃治驚利痰之聖藥吐痰在水上以石末糝之痰即

隨水而下則其沉墜之性可知然止可用之救急氣弱脾虛者不宜久服楊士瀛謂其功能利痰而

性非胃家所好如慢驚之類皆宜佐以木香而王隱君則謂痰為百病不論虛實寒熱緊用滾痰丸

通治百病豈理也哉朱丹溪言一老人忽病目盲乃大虛證一醫與礞石藥服之至夜而死吁此乃

盲醫虛虛之過礞石豈殺人者乎况目盲之病與礞石並不相干

附方

新滾痰丸通治痰為百病惟水瀉雙娠者不可服礞石焰硝各二兩煨過研飛

晒乾一兩大黃酒蒸八兩黃岑酒洗八兩沉香五錢為末水丸梧子大常服一二十九欲利大便則

服一二百丸温水下**一切積病**金寶神丹治一切虛冷久積滑泄久

王隱君養生主論痢癖塊血刺心腹下痢及婦人崩中漏下青礞石

半斤為末消石末二兩坩鍋內鋪頭蓋底按實炭

火二十斤煨過取出入赤石脂末二兩滴水九焚

子大候乾入坩鍋內小火煨紅收之每服一丸至

二三九空心温水下少許壓之久病**急慢驚風**奪

瀉痢加至五七丸楊氏家藏方散治急慢驚風痰涎壅塞咽喉命在頃臾服此墜

下風痰乃治驚利痰之聖藥也真礞石一兩煨消

一兩同煨過為末每服半錢或一錢急驚痰熱者

薄荷自然汁入生蜜調下慢驚脾虛者木香湯入

熟蜜調下亦或雪糕丸綠豆大**小兒急驚**青礞石

每服二三丸湯氏嬰孩寶鑑磨水服

生方衛

花乳石宋嘉祐

釋名花葉石宗奭曰黃石中間有淡白點以此得花之名圖經作花葉石是取其色黃

集解禹錫曰花乳石出陝華諸郡色正黃形之大如礪黃形塊有極大者陝西人鑄為器用采無時

時珍曰玉冊云花乳石陰石也生代州山谷中有五色可代丹砂置藥蜀中汶山彭縣亦有之

修治時珍曰凡入丸散以罐固濟頂火煨過出火毒研細水飛晒乾用

氣味酸澇平無毒
主治金瘡出血刮末傳之即合仍不作膿又療婦人血運惡血嘉祐治一切失血傷損內漏目翳時珍

發明頌曰花葉石古方未有者近世以合礪黃同銀研末傳金瘡其效如神人有瘡卒中金

刃不及煨治者但刮末傳之亦效時珍曰花藥石
舊無氣味今嘗試之其氣平其味澆而酸蓋厥陰
經血分藥也其功專于止血能使血化為水酸以
收之也而又能下死胎落胞衣去惡血惡血化則
胎與胞無阻滯之患矣東垣所謂胞衣不出澆劑
可以下之故赤石脂亦能下胞胎與此同義葛可
久治吐血出血升斗有花藥石散和劑局方治諸血
及損傷金瘡胎產有花藥石散皆云能化血為水
則此石之功蓋非尋常草木之比也

附方 花藥石散

治五內崩損噴血出斗升用此
治之花藥石煨存性研如粉以

童子小便一鐘男入酒一半女入醋一半煎溫食
後調服三錢甚者五錢能使瘀血化為黃水後以
獨參湯補之 葛
可久十藥神書 花藥石散 治一切金刃箭鏃傷
死者急以藥摻傷處其血化為黃水再摻便活更
不疼痛如內損血入臟腑煎童子小便入酒少許

執調一錢服立效痛牲抵傷勝出不損者急納入
桑白皮線縫之摻藥血止立活婦人產後敗血不
盡血運惡血奔心胎死腹中胎衣不下至死但心
頭溫暖者急以童子小便調服一錢取下惡物如
豬肝終身不患血風血氣若膈上有血化為黃水
即時吐出或隨小便出甚効疏黃四兩花藥石一
兩並為粗末拌勻以膠泥固濟日乾瓦罐一箇盛
之泥封口焙乾安在西方磚上磚上書八卦五行
字用炭一秤箕匝從巳午時自下生火煨至炭
消冷定取出為細末瓶收用 和劑局方 金

瘡出血

方見 多年障翳 花藥石水飛焙防風川芎
主治 翳甘菊花白附子牛蒡子

各一兩甘草炙半兩為末每服
半錢臘茶下 衛生家寶方

脚縫出水

好黃丹
入花藥

石末摻之 談
野翁試効方

白羊石

宋圖

集解 頌曰生交州白羊山春中掘地采之以白瑩者為良又有黑羊石生交州宮山之西亦春中掘地采之以黑色有墻壁光瑩者為上

氣味淡生涼熟熱無毒

主治解藥毒黑羊石同 蘇頌

金牙石 別錄 下品

釋名黃牙石 時珍曰 象形

集解 別錄曰金牙生蜀郡如金色者良弘景曰今出蜀漢似粗金大如碁子而方又有銅牙亦相似但外黑內色小淺不入藥用恭曰金牙離本處入土水中久皆黑色不可謂之銅牙也此出漢中金牙湍湍兩岸石間打出者內即金色岸類入水久者皆黑近南山溪谷茂州維州亦有勝于漢

中者頌曰今雍州亦有之時珍曰崔昉本草云金牙石陽石也生川陝山中似蜜粟子有金點形者妙聖濟經治癘風大方中用金牙石銀牙石銀牙恐即金牙石之白色者爾方書並無言及者姑闕

脩治 大明曰入藥燒赤去粗乃用

氣味鹹平無毒 大明曰 甘平

主治鬼疰毒蠱諸症 別錄治一切冷風氣筋骨攣急

腰脚不遂燒浸酒服 甄權煖腰膝補水臟驚悸小兒

驚癩 大明

發明 弘景曰金牙惟酒散及五疰丸用之餘方少用 頌曰葛洪肘後方治風毒厥有大小金牙酒但浸其汁飲之孫思邈千金方治風毒及鬼疰南方障氣傳尸等各有大小金牙散之類是也小

金牙酒主風症百病虛勞濕冷緩弱不仁不能行步近人用之多効故著其法云金牙細辛莽草防風地膚子地黃附子茵蕒續斷蜀椒蒟蒻根各四兩獨活一斤十二物金牙搗末別盛練囊餘皆薄切同入一大囊以清酒四兩漬之密器泥口四宿酒成温服二合日二次取效

金剛石

綱目

釋名金剛鑽時珍曰其砂可以鑽

集解時珍曰金剛石出西番天竺諸國葛洪抱朴子云扶南出金剛生水底石上如鍾乳狀體似紫石英可以刻玉人沒水取之雖鐵椎擊之亦不能傷惟羚羊角扣之則漼然水泮丹房鑑源云紫背鉛能碎金剛鑽周密齊東野語云玉人攻玉以恒河之砂以金剛鑽鏤之其形如鼠矢青黑色如石如鐵相傳出西域及回紇高山頂上鷹隼粘帶食入腹中遺糞于河壯砂積間未知然否玄中

記云大秦國出金剛一名削玉刀大者長尺許小者如稻黍着環中可以刻玉觀此則金剛有甚大者番僧以克佛牙是也欲辨真偽但燒赤淬醋中如故不酥碎者為真若覺鈍則煨赤冷定即銳也故西方以金剛喻佛性羚羊角喻煩惱十洲記載西海流砂有昆吾石治之作劍如鐵光明如水精割玉如泥此亦金剛之大者又獸有獾及鬻鐵狡兔皆能食鐵其糞俱可為兵切玉詳見獸部獾下

主治磨水塗湯火傷作釵環服佩辟邪惡毒氣

時珍

砭石

綱目

釋名鍼石

集解時珍曰按東山經云高氏之山鳧麗之山皆多鐵石郭璞注云可為砭鍼也素問異法方

宜論云東方之域魚鹽之地海濱滂水其病為瘡瘍其治宜砭石故砭石亦從東方來王冰注云砭

石如玉可以為鍼蓋古者以石為鍼季世以鍼代石今人又以瓷鍼刺病亦砭之遺意也但砭石無識者豈即石砭之屬為之歟

附錄石砭

時珍曰石砭出肅慎國人以枯木為矢青石為鏃施毒中人即死石生山中禹

貢荊州梁州皆貢砭即此石也又南方藤州以青石為刀劍如銅鐵婦人用作環玦琉璃國人墾田以石為刀長尺餘皆此類也
主治刺百病癰腫

越砥

別錄中品

釋名磨刀石

藏器

羊肝石

綱目

礪石

時珍曰尚書荊州厥貢砥礪注云砥

以細密為名礪以粗糲為稱俗稱者為羊肝石因形色也弘景曰越砥今細礪石也出臨平

氣味甘無毒

主治目盲止痛除熱瘡

本經

磨汁點目除障翳燒赤

投酒飲破血瘕痛切

藏器

礪石主治破宿血下石淋除結瘕伏鬼物惡氣燒

赤投酒中飲之人言蹋之患帶下未知所由

藏器

磨刀塗

一名龍白泉粉

主治傳蠷蠅尿瘡有效

藏器

塗瘰癧

結核

時珍

薑石

唐本草

釋名碓礪石

時珍曰薑石以形名或作礪礪邵伯温云天有至戾地有至幽石類得之

則為礪礪是也俗作碓礪

本草綱目卷之十一

集解 恭曰薑石所在有之生土石間狀如薑有五種以色白而爛不礮者良齊城歷城東者好

采無時宗奭曰所在皆有須不見日色旋取微白者佳

氣味 鹹寒無毒**主治** 熱豌豆瘡丁毒等腫

唐本

附方

舊二新三

丁瘡腫痛

白薑石末和雞子清傅之乾即易丁自出神驗 崔氏方

乳癰腫大

如盃腫痛方同上外臺祕要

產後脹衝

氣噎硤礮石代赭石等分

為末醋糊丸梧子大每服三五丸醋湯下 潔古保命集

通身水腫

薑石燒赤納黑

牛尿中熱服日飲一升 千金方

麥飯石

宋圖經

釋名

時珍曰象形

集解

時珍曰李迅云麥飯石處處山溪中有之其石大小不等或如拳或如鷲卵或如盞或如餅大畧狀如握聚一團麥飯有粒點如豆如米其色黃白但於溪間麻石中尋有此狀者即是古方云曾作磨者佳誤矣此石不可作磨若無此石但以舊麪磨近齒處石代之取其有麥性故耳

氣味甘温無毒

主治一切癰疽發背

時珍

發明

頌曰大凡石類多主癰疽世傳麥飯石膏治發背瘡甚効乃中岳山人呂子華祕方裴員

外啗之以名第河南尹脅之以重刑呂寧絕榮望守死不傳其方取此石碎如碁子炭火燒赤投米

醋中浸之如此十次研末篩細入乳鉢內用數人更碾五七日要細膩如麪四兩鹿角一具要生取

連腦骨者其自脫者不堪用每二三寸截之炭火燒令烟盡即止為末研細二兩白斂生研末二兩

用三年米醋入銀石器內煎令魚目沸旋旋入藥
在內竹校子不住攪熬一二時久稀稠得所傾在
盆內待冷以紙蓋收勿令塵入用時以鷲翎拂膏
于腫上四圍亦處盡塗之中留錢大洩氣如未有
膿即內消已作頭即撮小已潰即排膿如湍水若
病久肌肉爛落見出筋骨者即塗細布上帖之乾
即易逐日瘡口收斂但此隔不穴者即無不瘥已
潰者用時先以猪蹄湯洗去膿血故帛挹乾乃用
藥其瘡切忌手觸動嫩肉仍不可以口氣吹風及
腋氣月經有孕人見之合藥亦忌此等初時一日
一洗一換十日後二日一換此藥要極細方有效
若不細塗之即極痛也此方孫真人千金月令已
有之但不及此詳悉耳又北齊馬嗣明治楊遵彥
肯瘡取粗黃石如鷲卵大者猛火燒赤納濃醋中
當有屑落醋中再燒再淬石至盡取屑日乾擣篩
極細末和醋塗之立愈劉禹錫傳信方謂之鍊石
法用傅瘡
腫無不驗

水中白石 拾遺

集解

時珍曰此石處處溪澗中有之大者如雞子
小者如指項有黑白二色入藥用白小者

主治食魚鱠多脹滿成瘕痛悶日漸羸弱取數十

枚燒赤投五升水中七徧執飲如此三五度當利

出瘕也又燒淬水中納鹽三合洗風瘙癢疹 藏治

背上忽腫如盤不識名者取一二盃燒執投水中

頻洗之立瘥 蘇頌

發明

時珍曰昔人有煮石為糧法即用此石也其
法用胡葱汁或地榆根等煮之即熟如芋謂

之石莖抱朴子云洛陽道士董威辟穀方用防風
子甘草之屬十許種為散先服三方寸七乃吞石

子如雀卵十二枚足百日不食氣力顏色如故欲食則飲葵湯下去石子又有赤龍血青龍膏皆可煮白石子一斗立熟如芋可食

河砂

拾遺
釋名 砂小石也字從少石會意

主治 石淋取細白沙三升炒熱以酒三升淋汁服一合日再服又主絞腸沙痛炒赤冷水淬之澄清服一二合時珍風濕頑痺不仁筋骨攣縮冷風癱緩血脉斷絕六月取河砂烈日暴令極熱伏坐其中冷即易之取熱徹通汗隨病用藥切忌風冷勞役

藏器

附方

一新

人溺水死

白沙炒覆死人面上下惟露七孔冷濕即易 千金

杓上砂

綱目

集解

時珍曰此淘米杓也 有木杓瓢杓皆可用

主治 面上風粟或青或黃赤隱暗澀痛及人唇上生瘡者本家杓上刮去唇砂一二粒即安又婦人吹乳取砂七枚温酒送下更以炊帚枝通乳孔此皆莫解其理時珍

石燕

唐本草

本草綱目卷之九十一 石燕

集解

李勣曰石燕出零陵恭曰永州祁陽縣西北一十里有土岡上掘深丈餘取之形似蚌而

小堅重如石也俗云因雷雨則自石穴中出隨雨飛墮者安也頌曰祁陽縣江畔沙灘上有之或云生洞中凝僵似石者佳采無時宗奭曰石燕如蜆蛤之狀色如土堅重如石既無羽翼焉能飛出其言近妄時珍曰石燕有二一種是此乃石類也狀類燕而有文圓大者為雄長小者為雌一種是鍾乳穴中石燕似蝙蝠者食乳汁能飛乃禽類也見禽部禽石燕食乳食之補助與鍾乳同功故方書助陽藥多用之俗人不知往往用此石為助陽藥刊于方冊誤矣

氣味甘涼無毒

主治淋疾煮汁飲之婦人難產兩手各把一枚立

驗唐本療眼目障翳諸般淋瀝久患消渴臟腑類瀉

腸風痔瘻年久不瘥面色虛黃飲食無味婦人月

水湛濁赤白帶下多年者每日磨汁飲之一枚用

三日以此為準亦可為末水飛過每日服半錢至

一錢米飲服至一月諸疾悉平

時珍

發明

時珍曰石燕性涼乃利竅行濕熱之物宋人脩本草以食鍾乳禽石燕混收入此石燕下

故世俗誤傳此石能助陽不知其正相反也

附方

舊三新七

傷寒尿瀦

小腹脹滿石燕為末葱白湯調半錢脹通為度 聖惠方

小便淋痛

石燕子七枚搗黍米大新桑根白皮三兩到拌勻分作七帖每帖用水一盞煎

七分空心午前各一服 簡要濟衆

血淋心煩

石燕子商陸赤小豆紅花等分為末每服

一錢葱白湯調
下 聖惠方 久年腸風 石燕磨水常服 赤白帶

下 多年不止 石燕一枚磨水 徐氏家傳方 強裸吐乳 效嗽久不

末以蜜調少許塗唇上 衛生寶鑑 拳毛倒睫 石燕子一雌

日三五次 先以鑷子摘去拳毛乃點藥後 牢牙止痛 石燕三

以黃連水洗之 乾坤生意 醋淬七次青鹽乳香各一兩細辛半兩為末 齒疎

揩之荆芥湯漱口一方去乳香細辛加麝香 不堅 石燕子五對火煨米醋淬七次為末青鹽麝

香各少許研勻日用揩牙後以温酒嗽燕之 〇元遺 服石發動 石燕子七箇打碎水三升煮二

石蟹 宋開寶

集解 志曰石蟹生南海云是尋常蟹爾年月深久 水沫相着因化成石每遇海潮即瓢出又有

一種入洞穴年深者亦然皆細研水飛入諸藥相 助用之(頌曰)近海州郡皆有之體質石也而都與 蟹相似但有泥與粗石相着爾(時珍曰)按顧玠海 槎錄云崖州榆林港內半里許土極細膩最寒但 蟹入則不能運動片時成石矣人獲之名石蟹置 之几案云能明目也復有石鰕似鰕出海邊石魚 似魚出湘山縣石魚山並不入藥用一統志言鳳 翔汧陽縣西有山魚隴握地破石得之云可辟蠹

氣味 鹹寒無毒

主治 青盲目淫膚腎丁醫漆瘡 開寶 解一切藥毒并

蠱毒天行熱疾催生落胎療血運並熱水磨服 大

醋摩傳癰腫熱水磨服解金石毒 蘇頌

附方 新 喉痺腫痛 石蟹磨水飲并塗 聖濟錄

石蛇 宋圖

集解 頌曰石蛇出南海水旁山石間其形盤屈如

螺不知何物所化大抵與石蟹同類功用亦相近
宗奭曰石蛇色如古墻上土盤結如查梨大空中
兩頭巨細一等不與石蟹同類蟹則真蟹所化蛇
非真蛇今人用之絕少時珍曰按姚寬西溪叢話
云南恩州海邊有石山觜每蟹過之則化為石蛇
過亦然此說不知果否若然則石蛇亦真蛇所化

氣味 鹹平無毒 **主治** 解金石毒 蘇頌

石蠶 宋開寶

釋名 石僵蠶 綱目

集解 志曰石蠶生海岸石旁狀如蠶其實石也

氣味 苦熱無毒 藥訣曰苦熱有毒 **主治** 金瘡止血

生肌破石淋血結磨服當下碎石 開寶

石鼈 綱目

集解 時珍曰石鼈生海邊形狀大小儼如
麀虫蓋亦化成者麀虫俗名土鼈

氣味 甘涼無毒

主治 淋疾血病磨水服 時珍

蛇黃 唐本草

集解 恭曰蛇黃出嶺南蛇腹中得之圓重如錫黃
黑青雜色志曰蛇黃多赤色有吐出者野人
或得之頌曰今越州信州亦有之今醫所用云是
蛇冬蟄時所含土到春發蟄吐之而去大如彈丸

堅如石外黃內黑色二月采之與舊說不同未知孰是時珍曰蛇黃生腹中正如牛黃之意世人因其難得遂以蛇含石代之以其同出於蛇故爾廣西平南縣有蛇黃岡土人九月掘下七八尺始得蛇黃大者如雞子小者如彈丸其色紫庚辛玉冊云蛇含自是一種石云蛇入蟄時含土一塊起蟄時化作黃石不稽之言也有人掘蛇窟尋之並無此說

脩治 大明曰入藥燒赤醋淬三四次研末水飛用

氣味 冷無毒

主治 心痛症忤石淋小兒驚癇婦人產難以水煮

研服汁 唐本鎮心明磨汁塗腫毒時

附方 新暗風癇疾 忽然而仆地不知人事良久方醒蛇黃火煨醋淬七次為末每調

酒服二錢數服愈年深者亦效 危氏得效方 **驚風癇疳** 神穴丹治急驚

熱等證用紫色蛇黃四兩煨過獾豬屎二兩小者泥固煨過鐵粉一兩朱砂半兩麝香一錢為末糯

粉糊丸芡子大漆盤晒乾看之每丸有一小穴故名神穴丹每服一丸薄荷酒化下立甦垂熱冷水

化下 **靈苑方 小兒項軟** 因風虛者蛇含石一塊煨七次

麝香少許白米飯丸龍眼大每服一丸 薄荷湯化服一日一服 活幼全書 **瘡瘡鬼瘡**

食瘡蛇含石末一兩信石末一兩研勻入水火鼎內上以盞蓋六一泥固濟煨至藥升在盞刮下為

末米糕糊丸綠豆大雄黃為衣每服 **血痢不止** 蛇

一丸黑豆研水五更送下 摘玄方 **腸風下血** 脫肛蛇黃二

服二錢米飲下 普濟方 七次為末每服三錢 普濟方 陳米飲下 普濟方

霹靂礎

拾遺

釋名雷楔

時珍曰舊作針及屑誤矣

集解

藏器曰此物伺候震處掘地三尺得之其形非一有似斧刀者剉刀者有安二孔者一云

出雷州并可東山澤間因雷震後得者多似斧色青黑班文至硬如玉或言是人間石造納與天曹不知事實時珍曰按雷書云雷斧如斧鋼鐵為之雷礎似礎乃石也紫黑色雷鎚重數斤雷鑽長尺餘皆如鋼鐵雷神以劈物擊物者雷環如玉環乃雷神所佩遺落者雷珠乃神龍所含遺下者夜光滿室又博物志云人間往往見細石形如小斧名霹靂斧一名霹靂楔玄中記云玉門之西有一國山上立廟國人年年出鑽以給雷用此謬言也雷雖陰陽二氣激薄有聲實有神物司之故亦隨萬物啓蟄斧鑽礎鎚皆實物也若曰在天成象在地成形如星隕為石則雨金石雨粟麥雨毛血及諸

異物者亦在地成形者乎必大虛中有神物使然也陳時蘇紹雷鎚重九斤宋時沈括于震木之下得雷楔似斧而無孔鬼神之道幽微誠不可究極

主治無毒王大驚失心恍惚不識人并石淋磨汁

服亦煮服作枕除魔夢不祥藏器刮末服主療疾殺

勞虫下蠱毒止洩泄置箱篋間不生蛀虫諸雷物

珮之安神定志治驚邪之疾時珍出雷書

雷墨

綱目

集解

時珍曰按雷書云凡雷書木石謂木札入二三分青黃色或云雄黃青黛丹砂合成以雷

楔書之或云蓬萊山石脂所書雷州每雷雨大作飛下如沙石大者如塊小者如指堅硬如石黑色

光艷至重劉恂嶺表錄云雷州驟雨後人于野中
得石如蠶石謂之雷公墨扣之錚然光瑩可愛又
李肇國史補云雷州多雷秋則伏蟄狀
如人掘取食之觀此則雷果有物矣

驚癘邪魅諸病以桃符湯磨服即安

時珍

主治小兒

本草綱目石部第十卷終

